

**Dewan Negara Lulus Tiga Rang Undang-undang
Bernama
4 Disember, 2012**

KUALA LUMPUR, 4 Dis (Bernama) -- Rang Undang-undang Pemindahan Antarabangsa Banduan 2012 adalah antara tiga rang undang-undang yang diluluskan Dewan Negara Selasa.

Dua lagi ialah Rang Undang-undang Hakmilik Strata (Pindaan) 2012 dan Rang Undang-undang Keselamatan Sosial Pekerja (Pindaan) 2012 yang bertujuan meningkatkan had umur daripada 55 tahun kepada 60 tahun bagi kelayakan mendapat pencen ilat dan penakat.

Sementara itu, Timbalan Menteri Dalam Negeri Datuk Lee Chee Leong ketika menggulung perbahasan Rang Undang-undang Pemindahan Antarabangsa Banduan 2012, berkata akta itu yang bertujuan membawa balik banduan rakyat Malaysia yang ditahan di luar negara, hanya boleh dilaksana melalui hubungan bilateral kedua-dua negara yang bersetuju menandatangani perjanjian mengenainya.

"Sehingga kini, sebanyak 2,622 warga Malaysia termasuk 481 golongan wanita sedang dipenjarakan di 59 buah negara kerana pelbagai kesalahan termasuk dadah, kad kredit dan lain-lain.

"Secara keseluruhan, terdapat 99 buah negara di dunia melaksanakan sistem pemindahan antarabangsa banduan ini," katanya.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=713941>